

白水縣志

清知縣三韓王求命撰

人物附科貢

才不擇地况賢聖興區安見精靈長養不蔚爲瓌奇而使夷於科選與夷於方技又奚以異故余志白水物必推尊倉帝敢謂末世禔修足聯而步之辟山水不遡原崑崙則嶽瀆將無領袖顧斷嶽骨玉且八紘羅焉惟富貴而堪湮沒者名不與此寧余意也邪備亦竊附子長個儻非常之思已耳

白水縣志

卷下

倉帝名頡號史皇氏姓侯岡白水人龍顏侈哆四目靈光寔有睿德生而能書及長登陽虛之山臨於玄扈雒水之泖靈龜負書丹甲青文倉帝受之於是窮天地之變仰觀本星圖曲之勢俯察龜文鳥羽山川掌指而創文字形位成文聲貝以相生爲字以正君臣之分嚴父子之儀肅尊卑之序法度以出禮樂以興刑罰以著爲政立教領事辨官一成不外於是而天地之蘊盡矣天爲雨粟鬼爲夜哭龍乃潛藏文字備於以存乎記注則生正名乎號而升封於介丘紀



文字以昭異世而文亂日昌矣亂首有十一載都於陽武終葬衛之利鄉亭南世紀謂爲史官者誤後有倉氏史氏侯氏侯岡氏夷門氏倉頡氏倉頡二卷後漢司空杜林注隋亡

五代竇貞固字體仁白水人父專後唐左諫議大夫貞固幼能屬文同光中舉進士爲萬全簿節度推官晉祖在藩知其廉介卽位擢員外中書舍人天福三年上封事令百僚各舉一人隨才銓用不適者連坐殿罰帝深嘉之著爲令明年改御史中丞詳定朝會

白水縣志

卷下

二

禮樂歷刑侍工書遷禮部知貢舉往進士試夜給三燭後改晝試貞固以晝晷短難盡士才奏復舊制又有蒸鑑時論稱之漢祖入汴遷吏部尚書進司空門下侍郎平章事大學士乾祐初加司徒周祖朝命同掌軍國政事加兼侍中已改監修國史俄罷相守司徒封沂國公祀鄉賢

明劉昂永樂三年舉歷任皆有能聲官至雲南右布政使

許濂宣德中舉授沂水諭陞四川龍州宣撫司教授

廉不合於時勇退林下學者多宗之

侯寢正統辛酉貢訓榮陽陞諭靈石化人以德教士以正學後以子恂貴累贈都察院右僉都御史

武定天順中舉初知大原既知和順志稱廉明能馳聲兩邑間

侯恂字誠之少穎異書一經目不忘又好學年十八領鄉書二十八成進士授戶部主事以能陞山東按察僉事督京畿軍儲尋擢湖廣按察副使山東按察使歷外臺十餘年按奸鋤強風裁凜然晉都察院右

白水縣志

卷下

三

僉都御史巡撫大同嚴飭將吏威翔邊塞再轉副都撫山西勞烈益著已召入雷院提督操江恂負才鳴願操履清儉故能其官然遇鄉曲讓厚輯譜收族愛有家邦之譽祀鄉賢

劉澤成化中貢值饑率第蠲米百石賑恤鄉閭及丞陽城間灌渠鑿炭井以導民利

井奎宿源子成化中舉知巨鹿縣陞深州爲政嚴毅能斷吏不敢欺

田敏成化中貢授絳州史自清方自持不忍以官

許昌弘治中貢知大足縣慈祥政有條理

侯自明弘治十五年進士恂子蚤承家學又遊於三原涇陽武功諸賢之間問學博洽尤飭名行初授戶部主事正德間以忤逆瑾謫安慶府判起陞至川南兵備僉事其在安慶值薊賊劉六齊彥明大寇楚襄浮江漢而下自明先事伐謀又斃其渠魁因是不得潰縱三吳皆自明之力故皖城頌之祀鄉賢

張矩釗子知大足縣溫厚平易在任九年民甚安之

白水縣志

卷下

四

李濟吉州訓導篤勤爲士人所仰

奚欽揚州知事委處瓜州勦禦水寇賴多計畫江高北勒石以祠

王謳字舜夫與兄諤皆繇府學舉登進士第謳剛明有才事不避難歷知府官至按察司僉事性嗜學尤工聲律善楷行書酷肖顏柳有彭衙集行世諤中弘治十七年陝西鄉試一名正德三年進士官至都給事第詔正德十年舉任知州姪景采征嘉靖十四年舉張鳳正德中貢知唐山縣開學德克威儀中慶人

其言笑最不苟云祀鄉賢

呂璋正德八年舉歷知寶豐登鳳城四縣咸有政
聲事孀母極孝爲鄉里所重

廉介正德十一年舉剛直好學數從呂涇野馬路田
先生遊惜未仕卒

王憲正德中貢仕合州同知才能斷決弘治荒會勸
文賑饑邑人義之

高嶽正德貢簿新寧縣性篤實寡言聞譽不喜誇不
怒頗有長者風

白水縣志

卷下

劉璣幼有慧性舉止不苟嘉靖四年甫冠舉於鄉邑
令以例歛里金爲餽堅辭不受筮仕井陘知縣專務
德化會歲饑多方拯賑先後活者以萬計已大疫爲
藥餌療治又收養民間棄子掩骼瘞殍蝗不入境
因執辨疑獄忤臺使左遷武昌府教授璣至倡復白
鹿洞教規楚王謁先師廟錄中道璣進言非禮時論
臆之應聘典試浙右聞父訃一慟病遂不起病間
甬工部主事璣爲人清正行無矯飾其立政敷教皆
有法度本誌身先情未竟其志武昌記名宦

高霄嘉靖中貢耶縣訓導裋身造士皆可爲法
柴錦嘉靖貢授武青諭持身古處立教頗嚴

高勳武進丞紳子嘉靖十二年貢夙負才學能詩仕
大平縣丞數乞歸築室南園日吟咏其中

張齡矩之孫嘉靖十一年舉仕重慶府通判有創修
秦山巡司城記

李應奎字文煥少負才名儀觀又偉嘉靖甲午以恩
選大學庚子薦賢書銓知信陽縣前令巽悞政弛民
困奎至以嚴明爲理境內肅然值秋水沒民田奎屢

白水縣志

卷下

六

畝號泣自責百姓皆感泣忍死不遁逃入春米價翔
貴奎詣中丞請倉以貸中丞意難之奎力白得請民
賴以生顧不再稔而卒祀鄉賢

井斗嘉靖十八年貢隰州同知樂易有儀容辨論古
今人物累千萬言無倦勤博極群書尤工詩易篋時
猶與子若孫詮中庸無異常處

達智嘉靖中貢經明行飭門多名士未仕卒

景東明嘉靖二十二年貢和吉不忤於人學極該博
尤長於史

武敷尚智子嘉靖二十九年貢性敏而寬蚤有文譽
賤後周貧鄉人甚多其能輕財云

奚子厚隆慶三年貢知浮山縣民為祠祀後陞知巨
津州不就時論高之

問為臣萬曆間貢兩任訓導操履俱純

井澧奎宿曾孫萬曆二十二年舉為人誠信磊落夙
擅文藻能廣搜軼事佐成邑志有功

劉光哲天順四年進士戶部主事第光啓天順三年

舉保德陝州學正父斌永樂間舉嘉祥知縣志繁亦

白水縣志

卷下

載行事父老僅傳墳脉私為人鑿斷劉遠敗云

白自井澧氏捷後文坵鼓聲不起操觚家未免厭時

間聞井就恩選遺事沈督學極擊節井卷奪弗貢曰

留魁陝闈井堅請白無科目幾六十年蓋限風氣沈

笑謂六十年恨無子才有才如子寧患不雋及放務

井果第三士何不可奮哉然余志白汰科目又不知

幾誠多讀書而厚自砥礪丈夫之立於世獨為兒女

子榮邪茫茫函蓋問具眼當有如箕

武功

有文事必有武備勢相需長殷匿文職武恒交譏焉
無乃將率之職知仁勇關一其不可邪而世以騎射
敢戰謂武嗟乎所稱樽俎折衝者果何如也多殺爲
戒謀國有疆余不能不三復斯言

張達號雪山白龍山人絳涼州衛兵士歷建邊功委
指揮積官至都督同知掛征西將軍印總兵大同嘉
靖庚戌虜大舉入犯戰歿贈光祿大夫上柱國諡忠
剛從祀武廟達目不知書然慷慨負奇節膂力絕人
生平遇敵好離營陷陣所向有功卒以此敗邊人至
白水縣志

卷下

八

今稱之子世英世俊世傑猶子援皆指揮使英世襲
後官總兵掛印大同援戰亡廕子一門武功人稱景
盛云

監掾

贊郎掾史世鄒不屑就而黃霸司馬相如能以循良
詞賦擅美蕭何曹參尤追躡虎變而功名蹈厲人何
可格自棄也余寬流品畧爲紀載庶使後知奮勵爲
翔當不難矣

潘泉洪武吏員官至山西左布政使

許讓天順監例爲膠州吏自任達能政

問孝監例卓有學行與名士頡頏

石奠監例魏縣縣丞仕有政聲後侍母疾衣不解帶時稱其孝俱弘治

余按吏不患無才患操守耳若漢粟邑王遷爲尚書郎習刀筆之文事昭帝宣帝決疑定策封平丘侯二千戶爲光祿大夫秩中二千石顯榮至矣彼寧不有過人者與卒坐受諸侯王金錢漏洩中事身誅國除孰謂吏不果以賂敗也必如秦程邈爲衙獄吏得罪白水縣志

卷下

九

始皇下雲陽獄尋以作小篆擢御史邈其近文學貴不然又鮮不及

孝友

親近政刑愈繁而民僞滋多無論申韓法窮卽六經亦苦無把柄夫子標參一貫而復舉似孝經非贅後提之書與夫人盡孩提而治天下將無餘事然究其本自天子愛其親始何易簡也愛親者不敢慢於人況於兄弟故志孝友以祈和平

孝庸德也父子兄弟骨肉之間何處可著一奇想嘗

聞傳信云奇即是病始有至理余于白孝欲徵一庸
德上下數百年乃無有不得已而聊錄奇節以醒世
夢非素志也若謂實深好奇致墮人旁斯則吾豈墮
明萬曆間董蒙封股愈母疾歿又廬墓終喪見同州
志人咸以爲孝云

隱逸

士遇則流光鼎彝不遇則蓬萊而行意各有謂如
彭澤采鞠悠然管公明賣卜詮理寧苟然已邪與其
回邪非道動損羽翼孰若鴻飛高冥反肆志焉不則
白水縣志

卷下

十

期鄉黨善人不斷書種足矣他亦何煩慕云

侯文禮白水人隱居不仕爲人質直長厚言動不苟
鄉里無少長皆敬憚之有相競輒就質平已無不領
服洪武初累薦不起邑令請爲鄉射正賓者數年元
十五年卒

王士昭白水人或以字行當在元末洪武間與蒲城
趙孟暘學士友善趙有詞寄曰愛林臯士昭生平不
識長安道則其人爲隱君子無疑趙高品經世
筭金不易其友亦可也

石為鑑嘉靖三年貞性樂恬退歎與王虎谷李孝廉
二先生遊深得大易宗旨晚年築室仁和中擁皋
比談多遠近之士多從之李有過訪詩今遺

貞烈

春秋經世大典必係民生治亂始書列女尚屬細事
宣尼記紀姬卒葬特詳何也蓋茹毒含辛怨至婦女
愈難明言而表徽揚芳權在君子實關陰教此於災
履兩陽感召匪小然非聖人則誰教其幾焉若夫采
風以著貞淫毋乃守土者所不廢與余亦竊附古太
白水縣志

卷下

十一

史之後云爾

金史氏李文妻夫亡父憫氏年少強以歸許嫁邑姚
乙氏不聽姚訴之官氏恥對吏自縊死事聞詔有司
旌其墓

明景氏和順縣知縣武定繼妻元配惠遺一子尚智
方五歲景撫僅十歲定歿景年尚少抱子竟日哭不
輟視如已出先寒而衣先饑而食比長延教勤劬俾
其成立時稱繼母之賢以景為最

潘氏遼泉里楊景隆女適縣學生許昌言言故氏年

二十有一子尚儒方襁抱間公姑相繼亡仲兄利其產欲奪節嫁之氏坐卧佩刀以死自誓後尚儒及孫性皆補邑庠生氏年八十卒

萬曆末姜氏諸生王旂妻渭南人旂以負李監生麥被毆辱赴井死時氏將就館聞之亦投其井殉衆皆烈之以生財賄雖聞於官而事莫白三閱月監生亦病死見同州志

李氏庠生奚洪斗妻斗崇禎二年七月初五日病故方歛氏擗踊哭已旋室若趨衣附棺狀久未出間視

白水縣志

卷下

三

之已投繯絕矣遂與斗同殯遠近吊者無不泣嘆又已旌者如江四妻李氏高思溫妻龐氏其未旌者如縣學生呂涇妻王氏縣庠生李向春妻武氏吳孟賢妻李氏于仁妻郭氏李思崇妻高氏多尚不能盡傳云

余志白已嘆何閨秀之多也無以通都大邑婦女多毫不事事把鏡畫眉競後麗相高至一旦勢急彼寧肯舍濃艷計丈夫哉白也僻而樸節義吾知所自來矣

方伎

語曰通天地而不通人曰伎夫不通人於天地何與
伎詐君子之所尚哉然禪禱民用雖小道可觀又若
伎之精者皆神人也奚可以一節棄

雷祥志未詳何許人元至正十二年鄉進士潘懇有
重修廟記稱祥能醫善陶所造磁器精工絕人世所
謂雷公器是又言祥生而正直歿爲神縣東雷祥村
卽神家廟地昔人嘗見神曳杖於阡陌間鬚眉如雪
素冠蒼衣今廟尙蓋宛其像云最靈異禱皆響應

白水縣志

卷下

十三

禦蝗嘗令瘖者能言故村落事神甚恭嘉靖十六年
夏有蟲大如蠶自郟陽界來能相結渡河勢疾風雨
一日夜食苗可三四十里大甚於蝗七月一日井中
氏爲文禱神頃群鳥遮天而下若相呼以啄明日
悉集廟柏狀如禾穗三四日食柏葉殆盡盡死始
潘記果不繆云但記稱亞父抑祥曾漢官邪亦無可
據 土人間掘得祥遺器形製古質色綠沉隱秀或
微作花墳起以手摩挲復勻潔無凹凸跡方之宜哥
諸靈真同法術之於世代不替誠神視之今其

亦與不存

蔡倫字敬仲永平末年給事官掖和帝卽位轉中
常侍預參帷幄加位尚方令自古書契多編以竹簡
其用縑帛者謂之紙縑貴而簡重並不便倫乃造意
用樹膚麻頭及敝布魚網以爲紙興元元年奏上書
言其能自是莫不從用天下咸稱蔡侯紙今縣西十
里河下崖嘗崩見紙檻下泥灰相間五色成文如脂
其膩且堅深數十丈尚不能盡云倫抄紙處或亦卽
蜀薛濤井水實益箋致少離其處亦不能佳邪倫言

白水縣志

卷下

十四

至今尚在崖北

流寓

昔康節居洛人伺間延家子瞻過遊至名亭記事二
賢之目豈因是益哉前輩饑渴好善其風流殆可法
耳今白勝何敢望甲天下自工部彭衙諸什出覺煙
翠蛟渦日味添吟齒光回文夢而曾無一間草屋以
報詩史所稱高山仰止彼何人斯噫

唐杜甫字子美杜陵人工部員外郎天寶十四載遊
泰山之巔學夫子赴五川過白至德二載又至白依

其舅崔頊有彭衙行及崔少府高齋臆室喜雨詩
蓋杜挈妻子寓奉先後自奉先赴白詩所謂客從前
縣來是也 甫過地鄉人曾爲立廟後盛金介陳炳
氏偶行其處見一荒祠肖十婦人像毛書杜十姨
因言事鑿鑿陳弗聽但曰掘地頃得彭衙行諸詩
因命毀十婦肖工部於中仍署杜拾遺廟後廟又
移碑於學今徧邑更無一祠祀無以十姨或多伏
頂禮而謂拾遺遂無枯瓣香邪足令人胡盧絕倒
杜碑記後云唐之詩世以子美專雄未有及之者

白水縣志

卷下

十五

其氣語豪邁壯浪淵浩闊達句成筆墨之外而不可
追也近世學詩者莫不視杜以爲法多得佳句且參
材非師杜者以子美昔遊白水有詩嗜其壯敢刻石
以傳前守令東平呂昌彥記熙寧九年九月儒林郎
守縣令賈京立石隴西李槩書篆額題語高勝且字
刻古朴俱堪使人坐卧其下以備一則典刑

明尚士行名志以字行同州人廉訪時字子學通五
經元末隱居白水之龍岡山學者稱爲南岡先生與
蒲城趙孟暘馬巨江渭南石川元等樂道講學號五

友馬趙俱家蒲北
僻尚處自處亦就其人邪

古蹟

登高能賦不徒叙暢幽懷亦所以裨補鑒賞顧牧董
樵屋選選指點非真致再傳而滅沒愈甚則君子情
長若夫滄桑世改崩齧弗存姑亦任已

彭衙故城縣東北六十里卽秦晉戰處如吾穆公子
采地後子孫以衙爲氏 粟邑廢城縣西北八十里
夷云卽天雨粟處 陽武縣東北八十里倉頡居處
利鄉倉頡葬地卽史官村 雷牙縣東北三十里

白水縣志

卷下

六

傳雷祥造器處

古城縣南五里元同僉陸大用墓

思齊樓宋仁宗時尉甯叅建廢

惟勤閣宋尉

東北廢

永益池卽城西蓮池宋甯叅築堤注水以

便民汲飲廢址尚存

牛仙洞縣南三十里阿門村

潦水石崖之畔正德初猶有人在洞門見草書數行

題至正字

杜甫詩碑陰有白水宰梁沂聖源同前

蒲從事陳圓靜翁因遊六洞還憇吏隱遂飲雪庵題

有脩然之樂元豐己未仲冬初三日冲真居士題字

畫適老爲訪六洞樂無知者聞吏隱亭側有塔寺

庵或卽其處。今並廢。大雷祥影碑就覽遠樹。運
嶺皆如寫鏡中存。彭戲失其處。路史白水有汪
城後漢書有姚谷注在白水皆不知所在。

寺觀 附廟祠

寺觀可以清神慮祛塵禁故高人韻士每多遊相。其
各有取耳若博奕喧雜牛羊狼藉與夫祈祝紛紜。其
屢奔走無論彼法詆呵斯亦長吏之所禁也。何足云
寺四十五記五宮一觀二記一縣廟祠附鄉不記
其教寺東新城內永平間建僧會司地五十畝

白水縣志

卷下

七

清官西新城內道會司

龍山寺縣東南四十里大

定三年建

玉清觀縣南五里屏岡面漆高殿亦一

勝地

阿文寺縣東三十里治平四年建縣環繞皆

山惟東望諸寺。乃當平洋。每天日精明。洛水朝光。宛

切大虛志引韋唯應物所謂霞明遠川者亦似。南起

觀音溝寺縣東北三十里巖泉林壑居一邑之勝。惜

村莊建置極爲俗窘。賴張令名世治廳事三間對向

稍豁人心目。而餘荒畧處尙多。秋木寺縣西北

十里以四圍多種柿得名。每秋杪霜曉始爲邑勝。

關聖廟儒學東 玄帝廟城石塔東龍門 彭祖祠
治大門西東向 趙侯祠城爲令趙翰建 二賢祠
城爲令賈熙載沈嘉謨建 張侯祠儒學東爲令張
名世建 泰嶽廟縣北新城外 三義廟 三官廟
后土廟俱縣東門外 三聖母廟本縣北門外自
三破城白僉歸咎於廟延地師咨決曰廟阻元辰西
流氣特不順西北爲天門空濶法宜補又云益薦元
離巽催官鬻舍星峰暉映與玉尺方合余笑曰通變
宜民鼓舞不倦我何獨不然因遷廟西門外於城南
白水縣志 卷下 七

陵墓

里許并築長垣崇臺遙與學應莫謂余過信誕妄亦
聊於白土贈一鞭云

嘗疑列縣前代魁封多不遺一片麗牲令人下馬澆
酒殊抱鬱悶近稽同志言宋知未興軍姜遵因天后
浮屠之役盡毀人墓石碑碣故莫知誰氏白地近同
卽不果伐應無私自瘞邪往哲餘威尙禦五十里
採而使華表灰劫不留鶴唳有人心者肯如是乎念
此愈爲興哀

倉帝陵縣東北六十里黃龍山下其鉛餘錄謂在耀州殊誤

秦獻公墓史記載獻公死葬衙出子亦葬衙今皆失其處

雷公墓縣東十五里第未審大小雷祥村孰是

杜康墓縣西十五里志言康能造酒今墓側尙有遺槽頗大云

竇司徒貞固墓在縣西南十五里北罕井村今屬蒲明都御史恂墓在縣北子僉事白明祔

白水縣志

卷下

九

郭巨墓在林慮復見濟州志謂在縣西二十里鳳莊姑闕

晉書前趙劉曜將葬其父求垣陵母胡氏陽陵妻羊氏顯平陵親如粟邑親度負土爲墳皆周迴二里下鑿三泉上崇九十尺二陵之費以億計功用六百萬作者繼以脂燭人甚怨呼游子遠諫不聽後大風雷雨震曜父墓門發寢堂于垣外五十餘步松柏悉枯曜使其鎮軍劉襲大常梁胥繕復之今湮無知者嗚呼始皇曠鑿快遺材劫劉曜穴泉掀煩雷屑古今

天人二大快尚與此此罰者與

菑祥

菑祥各以類應其氣酸取也此趾高而不察於象以
自考則肆愈遠仁愛弗喻則頑鈍斥之古王發尚不
能抗矧此五六十里不宜小益虞哉

延光三年甘露降於衙 泰定二年四月雨雹六月

又雨雹 至順二年七月蝗 成化十年蝗食禾

草木俱盡民饑二十一年薦饑人相食大徙

元年地震產瑞禾一莖四五穗者五十餘本三

白水縣志

卷下

三

百餘本餘不勝計 十二年夏六月蝗食穀九月

生仍食麥苗 二十六年夏有蟲如蠶食苗亦四十

里 三十四年十二月十一日夜半地大震聲如

雷地在在陷裂一時城垣屋舍盡圮洛渭井泉

平地忽湧泉高丈餘五七日後震猶未已壓死人

無算獨白水不甚 萬曆二十七年雹不為災初

入縣北境忽旋風自秦嶽廟出聲如破釜邑

火蓋數十畝直衝雲散是年麥大獲 四十四年

月蝗九月生不為災 四十七年旱無禾

有秋 崇禎十二年七月蝗十四年六月又蝗

記異

君子語常不語異謂近於怪顧世原有此異而我故不語則滋惑愈甚若彼異而我語之無異食飲視息斯亦天壤間至常之事也復何怪惟臣子悖不忠孝而學術政事悉狐媚狼貪真顛倒臟腑而錯置鼻口且出入家邦恬不驚疑而反異是咄乎

平章貞固少中蠱若贅在喉中常鯁閔及漢初進可空平章事麻痺之日大吐有物如蜥蜴落銀盤中曰水縣志 卷下 二 毒氣衝盤焚於中衢臭聞百步外人皆異之

曰田紳嘉穀少與問茂才元氣友善問早卒一日田行吏官村道上偶見問馳馬至狀如世承史下勞苦如故田不覺憤曰別久未審懷何筴將底用問言所齋災福錄耳而進倉夫子廟掛號田因叩已功名曰三三九再詢壽子息俱曰三三九若忙不暇語復馳馬去田顧阡陌間馬齧麥狼藉跡猶甚著忽醒始大懼奔村中牽衆尋所語處並不見諦視麥禾亦無一齧損痕田後以貢令真陽今壽七十餘尚健步第所

謂三三九者終不解云萬曆年事

藝文

蘇子瞻曰德非期言言德之見於口也若是藝文可
以雕蟲寘與君子檢翠琰煤楮凡一言足登鴻寶真
將以紫薇露水盥手錄之蓋貴言之精也不然吹萬
不同其投於我者日不知幾一映而過便覺味盡又
惡庸是敝敝者哉

詩

彭衙行

杜甫

白水縣志

卷下

三

憶昔避賊初北走經險難夜深彭衙道月照白水山
盡室久徒步逢人多厚顏參差谷鳥吟不見遊子還
癡女饑餓啼不畏猛虎聞懷中掩其口反側聲愈嘖
小兒強解事故索苦李食一旬半雷雨泥濘相攀牽
既無禦雨備徑滑衣又寒有時經契闊竟日數里間
野果充餓糧卑枝成屋椽早行石上水暮宿天邊煙
少留周家窪欲出蘆子關故人爲縣宰高義薄層雲
延客已曛黑張燈啓重門煖湯濯我足剪紙招我魂
從此出妻孥相視涕闌干衆雛爛熯睡喚起沾盤飧

勢將與夫子相結爲第是遂空所坐堂安居奉我德
誰肯艱難際豁達露心肝別來歲月周胡羯仍携惠
何當有翅翎飛去墮爾前

白水崔少府十九翁高齋三十韻 杜甫

客從南縣來浩蕩無與適旅食白日長況當朱亥赫
高齋坐林杪信宿遊衍闌清晨陪躋攀傲睨俯峭壁
崇岡相枕帶曠野懷咫尺始知賢主人贈此遣愁寂
危堦根青冥層氷生淅瀝上有無心雲下有欲落石
泉聲聞復息動靜隨所擊鳥呼藏其身有似懼彈射

白水縣志

卷下

三

吏隱道情性茲焉其窟宅白水見舅氏諸公乃仙伯
杖藜長松陰作尉窮谷僻爲我炊彫胡逍遙展良翼
坐久風頗愁晚來山更碧相對十丈蛟歛翻盤渦奔
何得空裏雷殷殷尋地脉煙氣藹首萃颺颺森慘戾
崑崙崆峒顛迴首如不隔前軒頽反照巉絕華嶽赤
兵氣漲林巒川光雜鋒鏑知是相公軍錢馬雲霧積
玉觴淡無味胡羯強敵長歌激屋梁淚下流社席
人生半哀樂天地有順逆慨彼萬國夫休明備征狄
猛將分填委廟謨 曹長策東郊何時關帶甲且未釋

欲告清宴罷難拒幽明道三嘆酒食勞何由似平昔

明府舅宅喜雨

杜甫

吾舅政如此古人誰復過碧山晴又溼白水雨偏多
精禱死不昧歡娛將謂何湯年旱頗甚今日醉絃歌

縣齋十詠

并序

甯參

邑大夫總理之庭民版圖系瞻之地苟非
弗取則威儀匪修況乎宅夫井之上腹據
岡之末勢左右官署前後閑閑徒崇屹屹之
墻曷際眈眈之宇然淳樸之風備亦雅制之

白水縣志

卷下

二四

未臻是以遵陸杭之繕完祛晏嬰之湫隘
因其爽塏或即其便宜率修去故之規爰
未逸之度徙龜趺於壞堞墓以前修聳巖
於重闔昭茲懿範兼濟擬東門之作狗公
上館之稱至於瞻藹青箱密藏於層構崔
嵩壘峻列於前亭當具體而或微且非禮
勿動斤斲惟約榘形廓加而又倚樹交陰
石絢彩茂軒之逸趣敷階祀之素輝棧
不轉之姿爰呈可卷之狀鬱為玲柱

蔡故其覽景無遺懷賢有緒將恪居而未墜
誠退食之多閒導乎惟樂之和玩以至幽之
勝王仲宣之暇日孰紹能聲夔元規之秋宵
豈忘覃思姑自強而不息惟靡常於厥居會
無擊鉢之音但愧燃箕之敏得非蹠踣演藝
恣慧成文因核實於縣齋式緣情於十詠隨
題註釋與物續紛俾原始而要終庶采葑而
采菲然而非公家之能事抑亦思作者之憂
章莫惟匿瑕在我同志附于翠刻庶幾永光

白水縣志

卷下

三五

云爾時天聖六年仲冬邑佐權民長自序

思齊樓

宰署之門也上聳四楹將闢圯毀因之輪奐
亟成小樓俄而廢城之南旁獲翠琰苔封雨
駛宛其妙辭乃大極中張子奇蒞于是邑德
政之績也旋置其下故以目之

高閣層層構壘飛勢自仰已聞能賦客空憶帶星人
彤檻凭秋迥朱扉敞漢新龜趺清刻在誰共繼芳臺

縣門之西俯一臨宇古法潦之所也二亭中
起傳名吏隱元和中自行簡刻石在焉遺
垠雖存繼而寔廢况絕壑湍來艱於汲引民
患于不久亦爲政之憂也因是命築堤天澤
既瀦一邑斯濟

唐賢遺勝地天澤引初深未起朝宗勢先資濟衆心
淨惟涵寶刹微合鄙蹄涔爽氣何偏早群蛙一夜沉
惟勤閣

尉廳東北隅廣之宏倍尋聽訟之所也

白水縣志

卷下

三

自責思前志從公是永懷善聲慙偃空幽興類蕭齋
未報收虛刃空防肆毒豺恪居知有地僊俛竟相諧
藏書閣

尉居南屋中聳起二椽聊著群籍也

洞關前軒峻爲梯趣若何絲苔生未遍縹帙聚還多
曉幌吞清旭秋欄拂靜柯猶憐鉛筆在公外獨頻過
習射亭

宰署東南隅尉司教閱之地也

危亭當城進飛鏑共星鳴未奏蒨葦節空聞霹靂聲

澤宮期並勝相圖憶偕行敏手無虛發由來已鶴平
古植槐

尉廳西南宰署墻垣之內

誰知深固久根惟蟄龍形自著三冬市空懷八命庭
餘清蟬始噪新綠雨初經未便慙群木猶憐桂有馨
載榮桐

尉署小庭前也

幾年嗟悴質一旦類生梯玉甃青初滿銀床綠乍齊
雅勝玄雨潤高稱嶧陽低蔭有蒼姬葉更當副剪圭

白水縣志

卷下

七

小庭松

居桐之次

挺質依形檻盤根似舊峯美材高並接強幹宜相容
度及寒聲細凌秋翠影重當軒何鬱鬱應只待秦封
波紋石

尉處小檻之中

何必觀春渚他山質自竒危層分蕩漾峭碧認逶迤
繁陸宜相接星機好共交高穹如有闕一補未爲遲

石廳

置之於惟勤關

結粹從天匠周方出翠巒寧知琢磨易須信卷舒難
秀枕清同置藜床雅並觀公餘聊偃息空覺病膚寒

觀南紀泉

井 斗

縣東三十里村洛水西崖有數十泉從石竇
懸空下注其狀如飛

廬山瀑布久稱奇南紀崖泉一似之驟扶銀河驚
起競離石壁傍雲垂明推霽月從山出勻撒長風刮
地吹近水人家橋倚岸分流接竹到花陂

白水縣志

卷下

三

臨川煙雨

黎世和

治南五里近臨漆水煙雨屯連引翠凝光亦

邑一勝

一溪細雨一溪煙點染臨川花柳天嫩蘂淡籠朝欲
醉長條輕鎖晚宜眠山腰怕束青常斷渡口因迷碧
自連緩步每從溪上望小橋斜可到原田

過秋木寺

李應奎

正是群芳搖落時深林見此好花枝元宵火樹連相
盛薄暮霞城斷益奇無乃天作裁錦繡恍然涓水洗

胭脂霜華尚嫩如斯色衰老紅顏可自持

白龍潭齊雲洞二首

并序

蒲城趙世英

潭縣西二里漆水繇北南注忽兩崖拘齧漆
怒數躍起鼓譟層落爲潭潭旁石淨洗如砥
時椎擊却立上懸巖躡睨亦若助執觀者恒
影旋不定宋元符令楚幾聖監征趙巨濟里
屈思仁遊題石崇禎六年令張名世氏於西
崖嵌屋有石罅聲中聞漆水寒雲影裏見青
山句讀甚愛之亦爲詩二首

白水縣志

卷下

三

空山洞壑竄流水足尋盟不見人鳥跡惟聞風雨聲
激湍湧雪乳清浪濯塵纒到此應終老嗒然萬慮輕

其二

自樂平生道煙蘿石洞間野情空浩浩幽鳥聽冥冥
有路不通世無心自覺閒石床孤夜坐圓月上寒山

倉帝陵

莊 壽

史官村外柏蒼蒼聖帝陵祠古利以鄉碑撥苔痕迷鳥
跡像衣木葉尚義至精英自泄訖坤秘吾道因垂日
月光四目開天先首出中華文物倍尋常

混沌欲洩千古秘天遺作書憑劍起鑿空鳥跡宮
靈萬斛珠璣蚌蚌修墳典爻象炳日星刪定贊
此以肇開文史億萬年至今紛紛競諸子吁嗟夫子
真神聖雨粟高旻泣山愚我亦深山嗜古者子雲
字能識幾肅瞻四目思水木古柏龍蛇寒雲斐

白水懷古

仁和張瀚

春香白水舊彭衙粉堞山樓衣連賒倉頡塚荒
跡雷公丹化憶仙家西來羽檄驚霜月南望鄉心

白水縣志

卷下

三

晚書涼夜有懷丞不昧柏臺曙色喚棲鴉

次韻

薛綱

厭羣花下鬧蜂衙況是清明恨轉賒碑卧荒墳
字民逃重稅半無家秦河舊鎮千年鍊倫紙新呈五
彩霞一夜行臺吟不了曉鍾飛散樹頭鴉

登黃龍山

趙世英

蟻羣戀敗絮視中自徙倚蚊蚋宅甕盎變滅須臾止
世有大人賦高翔躡萬里屈之濟沅湘遠遊良有以
縱目臨清瀨游心想太始焉能守筆視疑鱗窅冥

文

創修文宣王廟學記

張三回

堯舜禹湯文武周公孔子皆聖人也千百載後化及於不可化之地特祀得徧於天下者惟孔子爲然故雖共王壞宅而孔子之道愈尊秦政焚典而孔子之道愈盛天地不能同其大日月不能同其明江淮河漢不能同其久堯舜禹湯文武周公不能同其功歷漢魏隋唐變亂之極君臣父子之義中國夷狄之分愈微而愈彰愈晦而愈明未有能外孔子之道者

白水縣志

卷下

三

白水縣宣王廟學因元末遘兵傾覆殿宇幾毀神位左右無廡升降無階講習廢亦久矣大明洪武四年三同奉天子命來知是邑夙夜祇畏恐墜教基於是卜以吉日躬率吏胥命工督役完舊益新至於明年五月廟學成延領師生行釋菜禮周旋規矩威儀遷退環覩欣悅者咸知太平之盛嗟夫孔子之道大矣當周室衰微之際向非孔子刪詩書定禮樂贊周易脩春秋先王弗違後天奉時則斯民將與禽獸混而堯舜禹湯文武周公之道幾於淪沒後之非者

雖有聖人復生亦無自而以淫矣故愚嘗謂堯舜禹湯文武周公大有功於天也而吾夫子又大有功於堯舜禹湯文武周公者此其效也僚佐丁萃典史張欽訓導秦仝偕鄉士大夫請誌諸石以著興廢所由庸不敢辭是述以爲記

文昌閣記

同州馬 朴

文昌閣爲昌文運而翔也白水古彭衙前峙堯龍發樞秦馬左襟洛川右帶白水雖雍周之撮土亦焉翔之名封在昔倉帝毓靈絲文應瑞祕宣天地幽靈也白水縣志

卷下

三

神萬世文字之祖邈乎尚矣英詰代起策素具存迨至我朝弘正之間科第聯翩勲名鳥奕朝多振鷺野有維駒其才俊正如渥注之千里非漫沅江之九助也迺自嘉隆後猶興非乏頓成晨星偕計時有亦復載世而縮銅師帥因循菲薄其賢者務襦袴其保障而靡及黷校其不肖急繭絲於傳舍而皇計章縫卽爲士者類以氣數降心弗自振奮人文鬱而未登誰味樂芹賢闕敝而欲賴以任鞠茂草所從來矣不思天荒可破地虜誰窮文修學官正自辟夷之蜀郡鮑

德起橫舍夫非久廢之南陽乎而俗變文雅化侔齊
魯若枹鼓然沉樹梧桐於鳳岡興雲雨於龍池其朝
陽之鳴在田之見又何疑哉歲丁未劉侯以孝廉異
等來典是邑侯具趙張之幹敏兼王謝之風流輟車
以來曉夕飲水鉅纖觀火彊芟棘棘寇靖萑苻柔梗
頑而亂繩理於閒神薄筭會而新絲寬於醫眼故不
再募政刑修明人吏浹和飮闔澤者如餒夫之逢給
歲歸雅化者如建水之赴深壑至其瑩精撲棧雅意
薪樵釋菜之暇每勤講課廟貌匪嚴都爲葺繕旣謂

白水縣志

卷下

三

學宮巽隅宜起危閣以祀文昌問其地則故諸生誦
誦之所也虛若有待謀乃僉同於是曆辰葵址陶土
礱山材徵秦隴工選班倕斲力於農休取財於帑美
侯琴聲甫罷棠憇有陰必躬逞慰勞曲示儆勸加以
嚮風赴義無間士趾輦粟捐金若輸神鬼畚築賈勇
於子來梓巧獻能於悅使會不易節遂爾訖工基濶
四丈砌以甃甃高一丈有跬閣高倍基周圍各四楹
崇臺層構連櫺重檐軒闥廠豁欄檻周迴澤以暨塗
煥乎金碧蓋滅文山藻智媿非倫趙武輪奐美斯難

並不惟卓然千秋之絕事亦偉哉百雉之雄觀也繇
斯受神錫美儲祉發祥肇與人傑丕顯儒風端有攸
在載若携醴登高含毫賦遠瞰彤霄於几席挹清澹
於襟袖有憐必舒無滯弗達泠泠善御風之懷飄飄
作凌雲之氣厥功不亦懋哉於時丹芬仙桂黃豔公
槐金飈颯颯收殘暑於雕甍玉露沉沉落新涼於綺
疏高下川原禾黍告維魚之兆東西膠序琴書叶呦
鹿之鳴而後乃今侯之陟斯閣也載凭載眺穆然感
庶富而思教養而士之陟斯閣也若啓若翼勃然脫

白水縣志

卷下

三四

凡近以遊高明斯爲侯不負閣士不負侯哉余不佞
居隣化境澤被潤河嘉與經營辱塵徵命遂不鄙蕪
爲紀俶落侯諱夢陽字淑升四川嘉定州人其他治
行與諸所建營具足艷傳無能縷指自有掇彩毫之
管勒黃絹之碑者時萬曆己酉相月哉生魄

修東北二城外郭銘

三原馬理

白水邑城厥方四里肇於洪武庚戌三祀肇城者誰
張侯三同自是歷年百八十終中城廬稀北關民稠
東關亦然蜂房以鳩關有井井縞餅雲集中城則亡

咸于此沒有虞閉城內外俱凶外無郭郭內靡外
幸值清時四海晏然內外蒼生安居有年嘉靖癸丑
虜蠢朔方侵及延鄜宜君有戕于時胡纛南指蓮嶽
偶值御史提兵犄角以此朔塵未及彭衙郊民逃匿
喪室與家于時邑宰儀封溫侯登城禦寇被甲執矛
覽民襁負就成弗容虜幸弗至民聊困窮侯用焦勞
思城外郭曰是不城人何倚著謀及師生如身厲疹
白諸憲司撫按俱允乃興版築乃濬池隄自彼北城
亥隅雉翔翔爲方郭東亦如之二郭言言五里其基

白水縣志

卷下

三五

自是中城出汲弗怖二關有郭敵來守固城郭無
民社永吉賢哉溫侯厥績可述侯在斯邑勸農興學
訟平盜息無告澤渥侯號石臺名曰伯仁民之戴之
若彼二親侯昔受學王公浚川出斯有爲無忝所傳

獄記

甯 叅

夫園土之設肇禦於至非捋棘之興允閒於不知於
峻哲申嚴之所迺繼人思過之地大則議獻而可察
小則欵辯而惟明仁側攸先寬簡必求矧乎去聖逾
幾澆風寢行雖戕冠而可施在菲屨而曷泯况惟此

邑絕比殊封當三輔之上游繼百城之善土而又廣
原沃壤巖山禎湖兌李匡遠之疆準陳仲弓之堡放
圖斯大生齒實繁播時者歲計而咸登鬻糧者日中
而自樂簪紳夙寓綽綽而有芳編紵素游閭閻而自
固其或鋒稜莫戢憤惋未平味其理則虞芮之災興
失其心則萑蒲而亦聚是以絲焚之喻徒極於聯綿
雀角之端罕聞於遷格紛紜成市篆塞如雲然總繫
有歸且抵肩斯衆或置之別宇或盈其畱拘心力俱
殫提振莫暇俄傳稽緩之愆屢興連失之虞蓋其

白水縣志

卷下

三

制匪完末圖未克隘同圭竇嘗媿于迂踈壞比訓
幾懷于墮泐當其歛蒸肆酷感發厲嚴在搖尾之徒
居黑濛之下但櫛風而沐雨彌茹苦而含辛余則不
然莫或遑處幸以忝從字人之先軫思爲大乃亟聞
於良牧而欲改於故規允遣鉅仁聿諧其請絲是囑
環堵之陋審燥溼之由董明匠以構基募公藏而卜
築勿剪勿伐豈煩當谷之材輪焉奐焉詎撓編疇之
力用之不匱觀者悅隨敢作片言之能式隆象斗之
制軒甍洞達廣表攸新仰卜商之惟勤資叔孫之必

察不愆于素靡日而成敵猶金玉之堂遠若芝蘭之
室三木無仰天之歎五典有流霜之威至若舉按有
徵措手無偏宜乎男女異處聊載於寰區輕重殊塗
求符於欽恤況國家迪懷浹方切含生昭乎肯矣

九

氣感于群心故得景纒垂

賈索有稀明之鳥靈禽獻瑞棘庭多喜集之巢叶聖
治於和平贊丕辰於熙盛然而人斯得獄豈非哉惟
在人悉我聰明矧埃來者故語曰必也可使無訟乎
則斯獄之不假爾時天聖六年龍集執徐仲冬一

白水縣志

卷下

三

有二日記

白水縣志後

余志白槩從寬政尚有一二陋事實不載謂治已宜
嚴恕人類長厚可工峻忽念我喜諛諛言日至我求
規尚卷舌不言近見郡邑志成達官椽筆贊宰大夫
至不容口未幾而雲煙斷飛了無關涉今恕無刀
爲已地冀人不刻責我與因復拈出令趙宋以貪逐
楊可亨老病不能謁上官見士民政出家人左
年始罷去諭鹿養廉聳愕以姓氏請丁祭毋殺虜
令楊曰然則亦不須殺羊聞者皆捧腹絕倒嗚呼

白水縣志

附記

寧不流芳哉官何苦使人至此亦可發深省云

七月十日永命附記

